



KHUTBA JUMMAH

HAZRAT MUHYI-UD-DIN AL-KHALIFATULLAH

Munir Ahmad Azim

27 Novembre 2015 ~

(14 Safar 1437 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hadhrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lors « **La Jeunesse Musulmane pé alle à la Dérive »:**

LA JEUNESSE MUSULMANE PÉ ALLE À LA DERIVE

Azordi jours, plusieurs nous bane grand dimounes pé vine joindre moi pou partage zot ti témoignages concernant nous bane garçons et filles musulmans. Malgré bane épreuves dur, boycotte et persécution lors moi et bane membres du Jamaat Ul Sahih Al Islam, mais comme Allah so Calife mo pas pou reste les bras croiser, peur zot, et laisse nous bane jeunesses (garçons et filles) alle à la dérive. Par la grâce d'Allah arrive céki arrive, mo péna la crainte de créatures dans moi, et Allah (swt) fine envoie moi pou faire ene travail, mo pou faire mo travail et zot bane soi-disant grand défenseur de l'islam, plito pé tire lors nous avec tous zot bane palabres, et continuer persécute nous. Travail ki bizin faire zot pas pou faire. C'est pou sa ki Allah (swt) fine élève So Khalifa avec ene Jamaat pou faire sa travail noble ki nous bien-aimé prophète (saw) ti faire. Essaye faire tous pou tous pou teigne la lumière d'Allah, laisse mo dire zot ki Allah (swt) pou continuer perfectionne So la lumière. Allah (swt) pas prend permission avec personne. Kan li ena pou élève So serviteur choisi, Li faire li sans prend permission avec personne. Pou zot maintenant attane ki zot conséquence pou été devant Allah (swt).

Donc, céki nous pé trouver de nos jours, li bien triste pou dire ki nous bane jeunes pé tombe dans ene l'égarement totale. Li bien chagrinant kan nous trouve bane filles musulmanes dans tous coins la rue avec bane garçons ki non-musulmans (et ena avec bane musulmans) pé faire cinéma couma dire acteurs et actrices Bollywood ou Hollywood et céki pli mauvais, kot l'image de l'islam pé piétiner, kot ou trouve zot pé boire canne la bière. Kot sa bane soi-disant Mullahs là, bane grand défenseurs ; zot aveugle ? Zot pas trouve narien kot sa bane jeunes là pé aller ?

Ou, bane parents, mo pas pé juge zot, eski ena dialogue entre zenfants et parents azordi jours ? Au lieu passe ou le temps avec banes kitchose ki inutile, par exemple: guette tous séries ki ena lors télévision ou sois alle cause, causer devant la porte voisins, voisines, au lieu de sa, mette dialogue avec ou propre zenfants en tant ki parent pou conne ki pé passer dans sa zenfant là so la vie de tous les jours. Pas compte lors sa bane soi-disant Mullahs et soi-disant bane grand défenseurs de l'islam là, kot zot pé juge la foi les zot ki sane la musulman, ki sane là Kafir, cause bane faussetés lors minbar, et zot travail c'est crée la haine dans le cœur bane musulmans contre nous, zot là pou fou désordre même, aparte sa narien zot pas conner. Zot gagne tracas sa la religion ki appelle l'islam là zot, kot Allah fine parfaire sa religion et fine envoie le plus grand prophète (saw) avec le Quran Shariff, ene livre complète ki péna doute là dans. Sa bane là même fine bafouer vrai l'enseignement de l'islam et fine apporte boucou de innovations dans l'islam. Zot fine ferme la porte prophète et la porte de révélation. Zot invente toute sorte kalité invention ki des milliers et milliers musulmans alle croire dans céki zot pé dire.

Nous tous conner ki Hazrat Jibril (as) c'est li même Ange de la révélation et li amène révélation kan Allah (swt) élève So messenger. Donc, sa bane soi-disant Mullahs ferme la porte révélation et prophètes, kot Hazrat Jibreel (as) na péna so job pour amène révélation. Astère partout zot pé dire ki Hazrat Jibreel (as) c'est li-même ange de la mort. Couma dire Hazrat Jibril (as) fine vine chômeur et c'est zot ki fine trouve ene travail pou donne li, donne li le travail alle tire la vie dimounes. Eh ou là, kot ou pé aller ? Si Allah (swt) pas ti élève sa humble serviteur là et avec ene Jamaat, Jamaat Ul Sahih Al Islam, ki ti pou arrive l'Ummah de Nabi Kareem (saw) ? Allah (swt) ti fini informe So Rassool (saw), fine fini prophétiser à propos sa bane soi-disant Mullahs là dans ki catégorie fine classe zot et azordi jours nous pé témoigne sa bane prophéties là, avec nous lizié. Si ou pas pé trouvé, alors ou fine vine aveugle, li bien grave.

Donc, mo révine lors la dérive de nous banes zenfants filles et garçons. Li malheureux et bien triste même pou dire ki banes filles musulmanes pas pé couvert zot bien islamique. Bane ki pé alle collègue et bane ki fine commence alle travail, et l'université, la honte sa pou trouve sa bane kalité l'habillement non-islamique là. Zot pé comporte zot couma bane non-musulmans.

Quand ou rentre dans ene bureau pou faire ene travail, ki de coté Gouvernement ou secteur privée, ou pas conné même ki sane là ene musulmane ou ki sane là ene non musulmane péna aucaine différence. Alors sa parent là, sa maman là, si li pas guette so ti fille so façon habiller et si li marier, alors si ou comme ene mari ou pas guette ou femme so façon habiller ki li pou parmi public et dans ene travail kot partout mixe, li pas pou bon ditout. Li bien chagrinant kan nous trouve certains parents musulmans, kot bane mari pé vise juste *Duniya* (bane zaffaires mondaine) pou zot zenfant ou pou zot femmes. Pou bane fille ki pé alle collègue, dans zot jeune l'âge là, uniforme faudré guetter. Eski sa maman là pas trouver kan so ti fille pé alle l'école ki façon li pé habiller. Sa bane parents là pé guette juste de coté mondaine ; zot guette juste l'éducation académique, pas pé donne zot l'éducation spirituel, comme-ci dirait li pas important pou zot, pourvu sa bane zenfants là bien avancer de coté académique. Pense bien, mo pas pé dire ki l'éducation académique pas important, mais faudré pas nous oublier de coté Deen aussi, sane là ki plus précieux devant nous Rab. Ou bizin prépare ou

zenfants pou ki demain zot pas vine ene **LA HONTE** pou ou et ni par zot bane vilain actions, vilain comportement, donne ene mauvais l'image de l'enseignement de l'Islam.

Réfléchi bien ki sakaine parmi nous, nous ena pou alle ranne compte devant Allah (swt) jour *Qiyamat*. Sakaine prend zot responsabilité comme ene parent vis-à-vis zot zenfant. Zot (sa bane jeunesse là) pensé ki zot pou faire tout par zot la tête. Zot pas conscient même ki zot pé faire sans zot realise so conséquence. Tellement bane jeunes zordi zot la tête dur de céki zot pé faire, zot alle rentre dans ene mauvais lac. L'heure zot pou réfléchi ki zot fine faire c'est trop tard. Le temps ou trouve sa bane ti fille musulmane là pé laisse zot emporter avec sa bane vilain manière par imite les autres, chaque parent et aussi chaque responsable de l'éducation de zot bane Jamaat, ti bizin honter et chagrin, et cherche bane solution, la main dans la main travail ensemble pou retire banes ti filles et garçons musulmans à la dérive, dans sa mauvais chemin là.

Sa c'est en vérité ene zaffaire ki concerne nous tous. Faudré nous faire bane grand zefforts et *duah* pou pas laisse nous bane jeunes imite les autres dans tous zot aspé et nous tout conner ki les autres zot vize plaisir *Duniya* seulement. Faudré pas nous bane jeunes prend sa bane là comme modèles. Li demande ene bon *Tarbiyyat* pou faire avec zot, bizin trouve sa l'occasion là pou faire bane classes de *Tarbiyyat* avec nous banes jeunes (filles et garçons), bizin trouve sa bane moments là, et aussi bien bizin motive zot pou vine dans sa classe *Tarbiyyat* là. Bien nécessaire pou faire zot comprend ki c'est le Saint Prophète (saw) ki nous bizin servi comme modèle, nous bizin suivre so pas, et nous devoir sa, c'est ki nous bizin aide nous prochain.

Parent aussi ena ene grand part de responsabilité là-dans kot azordi la jeunesse pé alle à la dérive. Azordi jour, faire ene constat, alle dans bane Madrassa, li malheureux pou dire ki la plupart Madrassa vide péna même presque zenfants. Dans tous sa banes zenfants musulmans ki ena dans chaque la ville et aussi village. Parents pas intéresser pou envoye zot zenfants Madrassa pou apprane Deen, couma dire l'éducation Deen népli ena valeur lors sa *Duniya* là. Mo redire zot, tous les deux coté important ki li, sois Académique ou Islamique. Pense bien ki le mois de Ramadhan fine traverser devant nous ena 5 mois de cela (azordi nous dans mois Safar d'ene l'autre l'année). Nous bane masjids fine vine pareil couma avant, presque vide partout kot ou passer, n'importe ki masjid, ki Jamaat ou trouve masjid pas rempli. Li népli couma ti été dans le mois de Ramadhan. Donc nous pas capave faire bon action seulement dans mois Ramadhan, après Ramadhan nous retourne pareil, saki ou en tant ki parent ou pé laisse ou zenfants trop aller. Astère là ou pé galoupe derrière l'argent, demain ou l'argent pas pou capave acheté l'avenir ou zenfants ; pou trop tard. *Ibaadat* pas juste dans Ramadhan ki ou faire, après Ramadhan aussi ou bizin continuer suivre chemin Allah Ta'ala, là dans ki ena prospérité et remède pou tous bane problèmes ki capave arrive ou tous les jours.

Azordi jour nous trouve tout kalité la mode bane ti jeunesse musulmane pé imiter tellement zot pé influencer avec tout bane nouveauté du jour, zot fine oublier zot propre identité avec ki zot ene musulmane et zot façon vivre bizin différent avec les autres. Faudé ki tous sa là changé *Insha-Allah*.

Ki Allah (swt) pardonne nous tous nous banes péchés. Certainement Allah (swt) li ene grand Pardonneur. *Ameen ! Summa Ameen.*